



**Resolución de 29 de maio de 2018 relativa á convocatoria da Dirección Xeral de Centros e Recursos Humanos de 27 de novembro de 2017 (Bibliotecas Escolares Solidarias), ampliada pola resolución de 16 de marzo de 2018, en referencia ás iniciativas denominadas “VOLUNTARIADO DE LECTURA-A” e SELO “BIBLIOTECA ESCOLAR SOLIDARIA” correspondentes ao curso 2017/2018. Esta iniciativa realiza en colaboración coa Dirección Xeral de Xuventude, Participación e Voluntariado.**

Con data 27 de novembro de 2016, a Dirección Xeral de Centros e Recursos Humanos fixo pública a convocatoria correspondente ao curso 2017/2018 do programa BIBLIOTECAS ESCOLARES SOLIDARIAS, no que se inclúen diferentes iniciativas destinadas a promover o voluntariado cultural en relación coas bibliotecas e a lectura entre o alumnado dos niveis non universitarios e as súas familias, nos centros de titularidade da Consellería de Cultura, Educación e Ordenación Universitaria, e a recoñecer, así mesmo, os esforzos das comunidades educativas por conformar “bibliotecas escolares inclusivas”, que axuden a paliar as desigualdades no acceso ao coñecemento.

Entre estas accións inclúese o **VOLUNTARIADO DE LECTURA-A**, destinada a incentivar o voluntariado cultural relacionado coa lectura entre o alumnado de 5º e 6º de Primaria. Trátase de recoñecer o traballo de colaboración que veñen desempeñando algúns alumnos e alumnas nas bibliotecas dos seus respectivos centros, ao participar de forma voluntaria en actividades de xestión e de dinamización da biblioteca e, á súa vez, favorecer á extensión dunha práctica que produce excelentes resultados en relación coa adquisición de hábitos de lectura, ao tempo que contribúe á formación de actitudes de solidariedade e de colaboración entre o alumnado.

Os centros podían participar nunha ou varias das modalidades contempladas na convocatoria:

1. **Colaboración coa biblioteca escolar**
2. **Ler con... D** (Lecturas compartidas dentro do centro)
3. **Ler con... F** (Lecturas compartidas fóra do centro)

Inscribirónse nesta iniciativa un total de 70 centros que desenvolveron as actividades previstas e, finalmente, remitiron a súa memoria correspondente no prazo previsto un total de 69 bibliotecas escolares. O incremento de participación de centros, con respecto ao ano anterior, foi do 25%

Con data 16 de marzo de 2018 ampliouuse a convocatoria anterior, mediante resolución da D.X. de Centros e Recursos Humanos, co obxecto de concretar o número de centros a seleccionar (máximo de 10), en función do interese e calidade das súas actividades ao longo do curso e definir, tamén, o tipo de actividades coas que se premia a dinámica de traballo voluntario por parte do alumnado dos centros finalmente seleccionados.



Para a acción denominada **SELO “BIBLIOTECA ESCOLAR SOLIDARIA”**, integrada así mesmo no programa Bibliotecas Escolares Solidarias, presentaron candidatura un total de 3 centros, para a renovación deste selo, segundo o contemplado no apartado 2, punto 3, da convocatoria, así como 7 novas candidaturas. Tamén a través da ampliación do 16 de marzo de 2018 contémplase a posibilidade de premiar cunha asignación específica aos centros que acaden este recoñecemento.

Constituíronse as Comisións de Valoración previstas na resolución de 27 de novembro de 2018 (apartado 2, punto 4), para a concesión do SELO “Biblioteca Escolar Solidaria”, así como a prevista na ampliación de 16 de marzo de 2018 (apartado 2, punto 5), para resolver “Voluntariado de lectura-A”. Para a valoración das actividades tivéreron en conta os criterios contemplados nas convocatorias de referencia. De acordo coa proposta formulada por estas Comisións e de conformidade co recollido nas resolucións citadas,

#### RESOLVO:

##### **Primeiro. Voluntariado de lectura A**

1. Seleccionar dez centros segundo o contemplado no punto 2 da resolución de 16 de marzo de 2018, en función do interese e calidade das actividades recollidas na memoria presentada e segundo os criterios recollidos no apartado 2, punto 6 da devandita resolución.

| Centro                     | Concello       | Provincia  | Modalidades |
|----------------------------|----------------|------------|-------------|
| CEIP P. Ricardo Tobío      | Muros          | A Coruña   | 1-2-3       |
| CEIP P. O Grupo            | Ribeira        | A Coruña   | 1-2         |
| CPI P. de Fonte-Díaz       | Touro          | A Coruña   | 1-2-3       |
| CEIP de Foz nº 1           | Foz            | Lugo       | 1-2         |
| CEIP P. Curros Enríquez    | Celanova       | Ourense    | 1-2-3       |
| CEIP Carlos Casares        | Xinzo da Limia | Ourense    | 1-2-3       |
| CEIP do Foxo               | A Estrada      | Pontevedra | 1-2-3       |
| CEIP P. Manuel Sieiro      | Crescente      | Pontevedra | 1-2-3       |
| CEIP Chano Piñeiro         | Gondomar       | Pontevedra | 1-2         |
| CPI Manuel Suárez Marquier | O Rosal        | Pontevedra | 1-2-3       |

2. Desde o seguimento do programa iniciaranse os contactos cos centros seleccionados para organizar a realización, no propio centro, dun obradoiro específico destinado ao alumnado voluntario participante da iniciativa (cando as características do obradoiro así o requira, empregaranse as fórmulas que se consideren oportunas para axustar o número de participantes). Este obradoiro, a cargo dun ou dunha profesional, poderá estar relacionado coa narración oral e a lectura expresiva, a elaboración de *booktrailers*, o “laboratorio de radio” ou os xogos cooperativos e tradicionais. A través da Asesoría de bibliotecas escolares concretarase con cada centro o obradoiro correspondente (en función do número de alumnado voluntario, as características do centro e as preferencias manifestadas), así como as datas de celebración (sempre antes do 15 de xuño de 2018).



3. Como actividade integrada nos programas de voluntariado da Dirección Xeral de Xuventude, Participación e Voluntariado, o alumnado directamente implicado e responsable das actividades de voluntariado de lectura e de atención á biblioteca escolar, de todos os centros inscritos no seu momento, recibirá un diploma pola súa colaboración como acción de voluntariado cultural, así como material divulgativo e de apoio ao programa.

#### Segundo: Selo “Biblioteca Escolar Solidaria”

1. Unha vez valoradas as novas candidaturas presentadas e trala proposta da Comisión de Valoración, concédese o Selo “Biblioteca Escolar Solidaria” aos centros:
  - CEIP P. O Ramo, de Fene (A Coruña)
  - CEIP P. Virxe do Carme, de Sober (Lugo)
2. Concédense, así mesmo, os selos aos tres centros que presentaron a súa candidatura para a súa renovación
  - CEIP de Leirado, de Salvaterra de Miño (Pontevedra)
  - CEIP Seis do Nadal, de Vigo (Pontevedra)
  - CEIP Montemogos, de Bueu (Pontevedra).

Remitírase ao centro seleccionado un arquivo dixital co selo “Biblioteca Escolar Solidaria” que poderán inserir nos espazos web e outras publicacións da biblioteca escolar. Este selo é un distintivo de calidade en termos de traballo solidario e a favor da comunidade escolar. Así mesmo, cada centro recibirá un diploma acreditativo e, segundo se recolle no apartado 1, punto 4 da resolución de 16 de marzo de 2018, pola que se amplía a convocatoria de 27 de novembro de 2018 do programa de Bibliotecas Escolares Solidarias, recibirá tamén unha asignación de 1.500€, contía que deberá ser destinada *“a actividades da biblioteca escolar no ámbito da atención á diversidade, que faciliten avances na configuración dunha biblioteca inclusiva”*.

#### Terceiro: Seguimento e avaliación

Esta Dirección Xeral de Centros e Recursos Humanos poderá elaborar un breve informe que difundirá a través dos espazos web de Bibliotecas Escolares de Galicia e doutros medios ao seu dispoñer, e publicará información así mesmo, sobre aquelas experiencias que merezan difusión pola calidade e repercusión das súas propostas co fin de estimular este tipo de iniciativas e dar a coñecer as boas prácticas.

Santiago de Compostela, 29 de maio de 2018

O DIRECTOR XERAL DE CENTROS E RECURSOS HUMANOS



José Manuel Pinal Rodríguez